



FDU-INKINGI
Forces Démocratiques Unifiées
United Democratic Forces



☐: (+250) 786.413.957

☐ info@fdu-rwanda.com

☐: (+33)6.18.80.08.77, (+32)4.84.26.34.55, (+44)7.988.883.576

<http://fdu-rwanda.com>, <http://victoire-ingabire.com>

COMITE DIRECTEUR – STEERING COMMITTEE

"Pour un Etat de Droit, la Démocratie et l'Egalité de chances" ; "For the rule of law, democracy and equal opportunity"

Imyaka 57 irashize Abanyarwanda bihitiyemo Repubulika

Imyaka 57 irashize habaye itora ryiswe irya "Kamarampaka" ryemeje bidasubirwaho ko u Rwanda rwazereye ingoma ya cyami rukiyemeza kuba Repubulika.

Tudasubiye cyane kubyabanjirije ayo matora, twakwibukiranyaga muri make ko yaje ari igisubizo cy'ibibazo rw'imiyoborere u Rwanda rw'icyo gihe rwarimo yakandamizaga rubanda rwa giseseka ari nabyo byaje kuba intandaro y'impinduramatwara yo muri 1959.

Mu ishyamba FDU-INKINGI twemera amahame y'iyi mpinduramatwara ndetse n'amatora yayikurikiye arimo n'irya Kamarampaka twibuka none. Umurage wa demokarasi twasigiye n'ayo matora wagakwiye gukomeza kuturanga, tugafatanyiriza hamwe twese guharanira ko mugihugu cyacu hakwimakazwa ukwishyira ukizana kwa buri muntu.

Hari benshi bashakaga kwirengagiza ayo matora, ariko wareba neza ugasanga bashimishijwe n'ibyiza yadusigiye, aha navugaga nka Repubulika. Ntabwo ariko twakwirengagiza ko hari ibibazo by'imiyoborere bimwe na bimwe bitahise bibonerwa igisubizo, ndetse n'abantu bamwe na bamwe, ku giti cyabo cyangwa se bibumbiye hamwe, batafatanyirije hamwe ngo tubumbatire kandi twubake igihugu kinogeye buri wese, ari nabyo byaturoshye mu icuraburindi tukirwana no gusohokamo uyu muni.

Turashishikariza abanyarwanda bose muri rusange, abarwanashyamba b'ishyamba FDU-INKINGI by'umwihariko ndetse n'abakunzi banyu n'ab'umuyobozi wanyu Madame Victoire Ingabire Umuhiza, kugira ubutwari bwo guharanira ko u Rwanda rwagira imiyoborere inogeye bose mu nzego zose z'ubuzima bwa buri muni bw'igihugu n'abacyo, rukana gira isura nziza mu ruhando rw'amahanga.

Nubwo ariko ubuyobozi bwa FPR-Inkotanyi bwagumishijeho izina rya Repubulika, mu miyoborere yabwo bwagaruye imyitwarire nk'iyarangaga Ingoma ya cyami, aho ibintu byose byari iby'umwami ugabira uwo ashakaye, akanyaga uwo ashakaye, akica, agakiza, akigwizaho umutungo wose w'igihugu, akawusesaguzaga uko ashakaye mu gihe rubanda rwa giseseka rwicira isazi ku ryinyo. Akarengane katumye rubanda ihaguruka ngo isabe ko

☐: (+250) 786.413.957 ☐: (+33)6.18.80.08.77, (+32)4.84.26.34.55, (+44)7.988.883.576
<http://fdu-rwanda.com>, info@fdu-rwanda.com <http://victoire-ingabire.com>

Join us on **Facebook**: <http://www.facebook.com/pages/Victoire-Ingabire-Umuhoza-for-President/109504816547> - Watch us on **YouTube**: <http://www.youtube.com/user/FDUInkingi123> - Follow us on **Twitter**: <http://twitter.com/VictoireUmuhoza>

ubutegetsu bushingiye kuri Repubulika busimbura ubwa cyami, ni nako ubu kagomba gutuma twese nk'abitsamuriye rimwe duhaguruka tugasaba ubutegetsu kwemera impaka za politiki zishingiye ku bitekerezo, kugirango habeho gukosora amakosa, guha ijamba buri munyarwanda, no gutuma abayobozi bahora bashishikajwe n'inyungu za rubanda.

Harakabaho Repubulika, harakabaho abanyarwanda bashishikajwe no kwimika amahame ya Repubulika ishingiyeye ku kwishyira ukizana kwa buri munyarwanda.

Bikorewe i Buruseli mu Bubiligi

Ku itariki ya 25 Nzeri, 2018

Fidèle Kabera, Umunyamabanga Mukuru wa Kabiri